



U Minhenu, 11. marta 2021.

## Koronavirus (SARS-CoV-2)

### Informacije za roditelje

#### Ophođenje s djecom sa (lakim) simptomima bolesti – neophodnost Korona-testa

Otvaranje ustanova za brigu o djeci, dječijih vrtića ili obdaništa iziskuje kao već i do sada primjenu strogih higijenskih preduslova, kako bi se i za vrijeme pandemije omogućio siguran rad. To jednako štiti zaposlene radnike i djecu o kojoj se brinu. Proteklih sedmica se u Njemačkoj i u Bavarskoj povećano širi britanska virus-mutacija B. 1.1.7. Ova virusna mutacija važi kao zaraznija. Istovremeno se broj infekcija od kojih djeca u ovo godišnje doba uopšte oboljevaju u velikoj mjeri smanjila.

Zbog toga je po procjeni ljekara koji u toj tački savjetuju državnu vladu u vezi sa oboljelima neophodno prilagođavanje pravila za testiranje na Koronu, tako da se u budućnosti kod oboljele djece i zaposlenih radnika ili djece i zaposlenih radnika koji su ozdravili zahtjeva **negativan rezultat testiranja na SARS-CoV-2** (PCR- ili PoC-Antigen-test). Od strane Bavarskog Pokrajinskog saveza profesionalnog udruženja pedijatarata, te od strane Bavarskog saveza kućnih ljekara, koji su učestvovali u savjetovanjima o neophodnosti testa, nam je potvrđeno da u ordinacijama za to ima dovoljno postojećih kapaciteta za testove.

Zbog toga od **15. marta 2021.** godine u dogovoru sa Bavarskim državnim ministarstvom za zdravstvo i njegu, te sa Pokrajinskom službom za zdravstvo i sigurnost životnih namirnica važi da je djeci sa simptomima akutne zarazne bolesti potreban negativan rezultat testa, prije nego što ponovo mogu posjećivati ustanove za brigu o djeci, dječije vrtiće i obdaništa.

- Djeca i zaposlenici sa kijavicom ili kašljem alergijskog porijekla, zapušenog nosa (bez temperature), povremenog kašlja, grebanja u grlu ili kašljucanja mogu posjećivati ustanovu za brigu o djeci nadalje bez testa. Želimo Vas zamoliti da upravi ustanove za brigu o djeci priložite adekvatnu ljekarsku potvrdu.
- Kod lakih, novonastalih simptoma prehlade ili oboljenja disajnih puteva (kao kijavica i kašalj, ali bez temperature) koji ne napreduju, je moguća posjeta ustanove za

brigu o djeci samo u slučaju kada se priloži **negativan rezultat testa na SARS-CoV-2** (PCR- ili PoC-Antigen-test).

- Bolesna djeca s **reduciranim opštim stanjem** sa temperaturom, kašljem, kratkim i plitkim disanjem ili otežanim disanjem, gubitkom čula ukusa i mirisa, bolova u grlu ili uhu, kijavicom, bolovima kostiju, jakim bolovima u stomaku, povraćanjem ili proljevom ne smiju posjećivati ustanove za brigu o djeci. Odobrenje za ponovni dolazak u ustanovu za brigu od djeci je moguć tek kada je dijete ponovo u dobrom opštem stanju (uz lake simptome prehlade, odnosno respiratorne simptome). Uz to je potrebno **prilaganje negativnog rezultata testa na SARS-CoV-2** (PCR- ili PoC-Antigen-test).
- Potrebni test se može vršiti i za vrijeme bolesničke faze. Nije potrebno čekati dok simptomi bolesti prestanu.

I ponovno testiranje nakon ozdravljenja nije neophodno, jer se već i u testu na početku oboljenja SARS-CoV-2-infekcija može isključiti sa dovoljnom sigurnošću. Za razliku od toga, prilaganje **brzog testa kojeg sami izvodite (test za laike)** nije dovoljno kao dokaz.

Ako se opšte stanje djeteta za vrijeme posjete pogorša, molimo Vas da svoje dijete što je moguće brže preuzmete iz ustanove za brigu o djeci. Svoje dijete možete opet dovesti u ustanovu za brigu o djeci ako su se simptomi povukli, a posebno ako je spala temperatura i ako se priloži negativan test na SARS-CoV-2 (PCR- ili PoC-Antigen-test).

Još Vas jednom želimo uputiti na to da su njemački Savezni parlament i Savezno vijeće još u januaru 2021. godine donijeli odluku da se bolovanje zbog djece po jednom roditelju i djetetu udvostruči od deset na dvadeset dana (za samohrane roditelje na 40 dana). Zahtjeve za bolovanjem zbog dječije bolesti u tim slučajevima podnose roditelji kod nadležnog zakonskog zdravstvenog osiguranja. Često postavljena pitanja i odgovore u vezi sa bolovanjem zbog dječije bolesti ćete naći na [web-stranici Saveznog ministarstva za porodice](#).

Osim toga, želimo Vas informisati o mogućnosti prava na odštetu po članu 56 stav 1a Zakona o zaštiti od infekcija. Bliže informacije u vezi toga naći ćete [ovdje](#).

Mi smo svjesni toga da se od Vas kao roditelja zadnjih mjeseci mnogo traži, te da ste opterećeni. Ali, pravila koja važe od 15. marta 2021. godine su u svakom slučaju hitno potrebna kako bi se zaposleni radnici u ustanovama za brigu o djeci, Vaša djeca, ali i Vi

kao porodica zaštitili. Suzbijanje pandemije može poći za rukom samo zajedničkim snagama, tako da Vam se već sada srdačno zahvaljujemo na Vašoj saradnji.

Srdačan pozdrav

Vaš referat V3 – Dnevna briga o djeci